

**Inuit inissianik pisortat najugaqarfiutaani attartortuusut kisiannili inigisaminnit anisitaasimasut, allamik sarfalersukkamik, imermut aqquteqartumik aammalu kiassarneqartumik inissaqartinneqartarnissaat taamatullu ilaqutariit meerartallit minnerpaamik iganissamut kissartuliornissamullu periarfissaqartinneqartarnissaat pillugu inatsisitigut illersungaalernissaat siunertaralugu, UPA 14-mut malittarisassiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Juliane Henningsen, Inuit Ataqtigiit)

### **Akissuteqaat**

(Ineqarnermut Naalakkersuisoq)

### **Aappassaanneerinnineq**

Naalakkersuisut sinnerlugit Sanaartornermut Ataatsimiititaliaq Inatsisartuni ullormut oqaluuserisassami immimmoortumut matumunnga isumaliutissiisummik pitsaasumik peqqissaartumillu suliaqarneranut qutsavigaara.

Aalajangiiffigisassatut siunnersuut aamma Ilaqutariinnermut Peqqissutsimullu Ataatsimiititaliamut tusarniaassutigineqarpoq, taamaattumillu siunnersuut Inatsisartuni peqqissaarullugu suliarineqarpoq.

Meeqqat pisariaqartitaannik isumaginninnissaq ataatsimiititaliat akunnerminni isumaqatigiissutigaa. Naalakkersuisut aamma taamatut isumaqarput.

Suliap misissuiffigineqarnerani paasineqartutut, inissiani inisseeqqiffiusartuni siunnersuummi piunasaqaatit minnerpaaffissaat naammassineqartarput.

Taamaattumik nalunaarusiornissaq suliassaqarfimmut tassunga aningaasartuutit amerlinerinik kinguneqassanngilaq, kisiannili attartortut anisitaasarnerini toqqissisimanissamut aamma atugaqarnissaasa ersarissunissaanut iluaqutaassalluni.

Tamanna tunngavigalugu siunnersuut taparserneqassasoq Naalakkersuisut isumaqarput.